



Graubünden reformiert
Grischun refurmà
Grigioni riformato

PUBLICAZIUN NR. 686 DAL CUSSEGL DA BASELGIA

Primavaira 2024

REGISTER DAL CUNTEGN

Il Cussegl da baselgia evangelic preschenta a las plaivs e las Regiuns ecclesiasticas las suandantas tractandas ed infurmaziuns per discussiun ed orientaziun:

1. Consultatziun	2
1.1. Lescha da las plaivs	2
2. comunicaziuns e retschertgas	2
2.1. «Axians», software da contabilitad gratuita	2
2.2. Software per administraziun da commembers e da documents	2
2.3. Case Management da la cassa da pensiun chantunala PKGR	3
2.4. Substituziuns dals uffizis da pravenda	3
2.5. Respostas ad interpellaziuns da las radunanzas d'atun	4
3. Comunicaziuns e retschertgas dal decanat	5
3.1. Rapport da las predicaturas e dals predicaturs laics	5
3.2. Conceder ina lubientscha a predicaturas e predicaturs laics	5
3.3. Renovar lubientschas da predicaturas e predicaturs laics	5
4. consultaziun da la direcziun dal CGE	6
4.1. Propostas per elecziun substitutiva CB (perioda d'uffizi 2021-2024)	6
4.2. Propostas per elecziuns da renovaziun totala dal CB (perioda d'uffizi 2025-2028)	6
4.3. Propostas d'elecziun per ina cumissiun predeliberanta (lescha da las plaivs)	6
5. rapports da las Regiuns ecclesiasticas (RE)	7
5.1. Preschentaziun da las provisuras e dals provisurs	7
5.2. Lavur da diaspora	7
5.3. Organisaziun da l'instrucziun da religiun 2024/25	7
5.4. Propostas, impuls e dumondas	7
6. Diversas Informaziuns	8
6.1. Occurrenzas regiunalas 2023	8
6.2. Comunicaziun da mutaziuns	9
6.3. Giubileums	9
6.4. Proceder tar midadas en ils uffizis da pravenda	9
6.5. Chalender da collectas 2024	10
6.6. Sesidas dal Cussegl grond evangelic 2024	10
6.7. Sesidas dal CB 2024	10
6.8. Radunanzas da la Sinoda	10
6.9. Termins da las radunanzas regiunalas da primavaira 2024	10
6.10. Termins da las radunanzas regiunalas d'atun 2024	11
6.11. Inoltrar ils protocols da las radunanzas regiunalas	11
7. Annexas (Adressas)	12

1. CONSULTATZIUN

1.1. Lescha da las plaivs

Il Cussegl da baselgia (CB) supplitgescha las Regiuns ecclesiasticas (RE) da discutir la lescha da las plaivs a chaschun da lur radunanza da primavera e d'approvar lur posiziuns. Il sboz da la lescha sco er in questunari èn aschuntads a questa publicaziun. Nus supplitgain las RE da registrar online las respostas dal questunari. Las indicaziuns necessarias retschaivan ils presidis a moda electronica.

Damai ch'i sa tracta d'ina lescha impurtanta èn tuts interessads envidads a las suandantas occurrenzas d'infurmaziun:

- Mesemna, 17 da schaner 2024, 20.00, online
- Gievgia, 1 da favrer 2024, 17.30, a Zernez, sala auditorium dal Parc naziunal
- Glindesdi, 5 da favrer 2024, 17.45, a Tusaun, baselgia refurmada
- Mardi, 6 da favrer 2024, 18.00, a Landquart, sala da la plaiv refurmada, Rheinstrasse 2

L'ulteriur plan da termins sa preschenta suandantamain: La Sinoda vegn a pudair prender posiziun il zercladur tar il sboz dal CB. La discussiun en il Cussegl grond evangelic (CGE) è prevista il november 2024 (guarda er punct 4.3 da questa publicaziun).

2. COMUNICAZIUNS E RETSCHERTGAS

2.1. «Axians», software da contabilitad gratuita

Actualmain fan pli che 50 plaivs adiever da la software da contabilitad «Axians». Davent dals 1 da schaner 2024 metter la Baselia chantunala a disposiziun quell'applicaziun confurma al model HRM2 gratuitamain a tuttas plaivs. Quai cun l'avantatg che tuttas plaivs pon utilizar ina schliaziun da software cumpatibla cun HRM2 e che noss'administraziun da finanzas po sustegnair ellas adeguatamain. Las licenzas en la valita da 40'000 francs che las plaivs han stuì surprender enfin ussa, paja la Baselia chantunala. Nus cussegliaim da far la midada da software mintgamai sin l'entschatta d'in nov onn da gestiun. L'administraziun da finanzas offerescha mintg'onn scolaziuns e perfecziunaments. Plaivs interessadas pon s'annunziar tar il manader da l'administraziun da finanzas Marcel Schädler (per il contact guarda annexa).

2.2. Software per administraziun da commembers e da documents

A basa dal giavisch da diversas plaivs avain nus examinà las pussaivladads d'ina software unitara per l'administraziun dals commembers. La firma KW-Software porscha dapi curt temp ina tala cun la pussaivladad d'in import automatic da datas da la plattform chantunala correspudenta. Las Baseligias chantunalas da Basilea Campagna, Turitg e Lucerna utiliseschan gia questa software. Ella distgargia las emploiadas ed ils emploiads da las plaivs da la lavur d'actualisar las datotecas d'adresses. Quai ha l'avantatg che las plaivs pon clamar giu cuntinuadamein l'effectiv actual da lur commembers sco er far sez diversas evaluaziuns. Per pudair duvrar questa software ston las plaivs ademplier las cundiziuns da l'autorità chantunala davart la protecziun da datas e dumandar da quella il consentiment. Sche tut funcziuna vegnin nus a pudair metter a disposiziun vers la fin dal 2024 gratuitamain a las plaivs questa software.

Sco modul supplementar porscha la firma KW-Software ina administraziun da documents centrala. Quella facilitescha la collavuraziun entaifer la plaiv ed ademplescha las cundiziuns da la lescha davart la protecziun da datas. Ils documents pon vegnir classads ed ordinads en divers ordinaturs cun divers dretgs d'access, per exempel per suprastnza, secretariat u servetsch pastoral. Ils custs da 360 francs ad onn per quest modul paja mintga plaiv.

Apaina che nus avain sclerì las connexiuns cun il chantun, retschaivan las plaivs ulteriuras infurmaziuns cun ina offerta concreta e l'ulteriur proceder. Alura po mintga plaiv decider sch'ella vul introducir ed utilisar la software nova per l'administraziun da commembers ed eventualmain er l'administraziun da documents.

2.3. Case Management da la cassa da pensiun chantunala PKGR

La Cassa da pensiun chantunala dal Grischun porscha dapi l'onn passà in uschè numnà Case Management per tuttas segiradas e tuts segirads. Quest program sustegn personas ch'èn confruntadas, en connex cun in accident u ina malsogna, cun las tematicas incapacitad da lavorar, limitaziun da prestaziuns u invaliditad. Ina finamira centrala èsi che las personas pertutgadas possian returnar uschè svelt sco pussaivel en il process da lavur. Sch'igl è alura il medem lieu da lavur cun il medem pensum sco avant, u sch'ins prendia en consideraziun autras pussaivladads, dependa da la persona e da sia situaziun. Il Case Management fa in'organisaziun-partenaria specialisada da la PKGR. Ils managers independents èn sa chapescha liads a l'obligaziun da discreziun. Infurmaziuns che pretendan quella na vegnan betg transmessas a la cassa da pensiun u a la patruna da lavur. Per regla pon 80 % da las personas partecipadas al Case Management returnar entaifer trais mais en il process da lavur. Per la Baselgia chantunala e las plaivs na datti nagins custs.

Impurtant: Absenzas da la piazza da lavur pervi da malsogna u accident ston vegnir annunziadas entaifer il termin! Las annunzias van a l'assicuranza d'accidents ed a l'assicuranza da diaria per malsauns. En cas d'absenzas da pli che 30 dis drovi er in'annunzia a l'assicuranza d'invaliditad (registraziun tempriva) sco er a la cassa da pensiun. Indicaziuns detagliadas latiers chattais Vus en la pagina d'internet da la Baselgia chantunala sut «Kirche Praktisch».

2.4. Substituziuns dals uffizis da pravenda

Il CB registrescha che divers uffizis da pravenda èn actualmain vacants. Sin divers plauns fan ins dapi lung temp sforzs da gudagnar dapli personas per la clamada da plevonessa u plevon. Entant na sa mussa ina meglieraziun fundamentala da questa situaziun.

Il CB supplitgescha las plaivs da resguardar ils suandants puncts: Sch'ina occupaziun ordinaria dal post n'è betg en vista, duaian ins engaschar ina plevonessa u in plevon per plirs mais cun in contract limità da substituziun. L'experiencescha mussa che gist personas pensiunadas da nov u da frestg prendan gugent talas plazzas. Sch'in post resta vacant pli ditg e sch'ins dumanda alura l'agid per servetschs singuls, è la lavur organisatorica memia gronda per la suprastanza. Las plevonessas u ils plevons en la regiun ston savens surprendre sur in lung temp incumbensas supplementaras. In engaschament limità per ina substituziun distgargia e dat liber resursas per ina procedura d'annunzia ordinaria.

Cun fixar contracts da lavur da substituziuns ston ins far atenziun da limitar tals sin ses mais en il cas normal; en cass motivads pon els era vegnir fixads per in temp pli lung (CLE 910 art. 28 e CLE 912 art. 7a). Substitutas e substituts han er da suprender incumbensas regionalas. Latiers tutgan per exempel la participaziun a la conferenza pastorala, la coordinaziun cun plaivs dal conturn u la cooperaziun ad occurrenzas regionalas. Quai tut ston ins resguardar en la taxaziun da la piazza ed il carnet da duairs. L'actuariat dal CB As cusseglia gugent en questa chausa.

2.5. Respostas ad interpellaziuns da las radunanzas d'atun

Per l'infurmaziun da tuttas delegadas e delegads cumparan en quest lieu las propostas, ils impuls e las dumondas al Cussegl da baselgia or da las radunanzas d'atun e sias respostas latiers.

Il suandant impuls ha inoltrà la RE Sassal-Cuira:

Ins duai prender las disposiziuns necessarias per ch'ins possia distribuir da principi davent dals 1. da schaner 2024 tut ils documents da maniera electronica. Documents restants fisics ston ins nominar e las personas adressatas (uffizis ed auters) pon pretender da retschaiver ils documents sin palpìri. Il CGE duai tractandar cun ina proxima sesida pussaivla ina decisiun adeguata en chausa.

Il CB parta da principi quest impuls da trair a niz e promover il miglier pussaivel la digitalisaziun er en contact cun las RE e cun il CGE. Uschia ha el concludì avant in onn da dar a las adressatas ed als adressats dals blers documents la libertad d'eleger tranter ils documents digitalis u quels cun posta convenziunala. Cun consultaziuns en ils divers gremis e cun infurmaziuns ha el rendì attent a questa pussaivladad. Ina part considerabla da las adressatas e dals adressats, dentant damain che la mesadad, desista da la spediziun postalala. La glista da distribuziun da las REs cuntegn 238 adressas, da quellas desistan 99 sin la spediziun sin palpìri e posta convenziunala.

Conform a la proposta da la RE vulain nus midar il sistem d'enfin qua en dus puncts: 1. Tut ils documents duaian vegnir mess a disposiziun sulettamain pli a moda electronica; excepziuns ston vegnir reglads explicitamain. Il CB fa quai uschia che tut ils documents pon vegnir mess a disposiziun electronicamain e distribuits tenor comunicaziun da las adressatas e dals adressats er cun posta convenziunala. Il dumber d'exemplars stampads vegn erui separadamain per mintga spediziun. Il CB ha concludì da trametter ils suandants documents a tuts (er) en furma stampada sin palpìri: Rapport annual, collecziun da leschas Baselgia e magazin «Dialog intern». Dentant fixar u nominar quests documents en in decret dal CGE u dal CB vesain nus sco memia fix ed incunvegnent. 2. L'incumbensa vul declarar la distribuziun electronica sco regla e la furma sin palpìri sco excepziun. Il CB è da l'avis che la midada planisada na minimescha betg automaticamain las spediziuns fisicas. Quai sa resulta er da las consultaziuns dals davos onns.

Quests resuns rinforzan il CB en la direcziun ch'el ha prendì. Tenor sia vista n'effectuescha ina reglaziun explicita en l'urden da gestiun dal CGE davart la furma da convocar betg da simplifitgar evidentamain il manaschi. Conform a quai na vesa el nagin basegns da prender ina nova decisiun en chausa. Pertutgand la documentaziun per las sesidas dal CGE pon commembras e commembers inoltrar ina proposta da midar l'urden da gestiun (CLE 510 art. 54).

Il suandant impuls ha inoltrà la RE Surselva:

Tuttas personas da la Sinoda cun sedia en il chantun duaian pudai mantegnair er suenter il pensiunament lur adressa da mail «gr-ref», respectiv survegnir da nov quella, cun l'arrivada en il chantun sco pensiunà e recepziun (danovamain) en la Sinoda (status emeritus). Motiv: Plevonessas e plevons pensiunai prestan servetschs prezios en plaivs vacantas, ed ellas ed els drovan in access tar l'intranet da la Baselgia evangelic-reformada dal Grischun.

La RE Surselva renda attent a la rolla impurtanta da las plevonessas e dals plevons emeritads che sustegnan las plaivs cun substituziuns u provisurs. Il CB apprezzescha quest engaschament e sustegn el tenor pussaivladad. Enfin qua ha el desistì per motivs da custs da reparter als Sinodals senza contract fix ina adressa unitara dad e-mail. Ussa dentant è en vista ina pli gronda midada en il sector IT da la Baselgia chantunala. E quella pertutga er ils contos dad e-mail. Uschè prest ch'ils detagls èn conuschents, vegn il CB a decider davart ina repartiziun da las adressas da e-mail ed infurmar las personas pertutgadas. L'access a l'intranet da la Baselgia chantunala è garantida gia enfin qua per tuts Sinodals. Sch'els n'han nagina adressa «gr-ref» vala quella ch'è deponida insacura ed inditgada a l'administraziun.

3. COMUNICAZIUNS E RETSCHERTGAS DAL DECANAT

3.1. Rapport da las predicaturas e dals predicaturs laics

Tenor art. 34 da la lescha d'admissiun (CLE 910) inoltreschan las predicaturas ed ils predicaturs a la radunanza regiunala cumpetenta in rapport a scrit da lur activitads da l'onn passà. Ils rapports pon vegnir aschuntads al protocol. Sche predicaturas u predicaturs laics returnan lur concessiun, tanscha ina remartga en il protocol.

3.2. Conceder ina lubientscha a predicaturas e predicaturs laics

En connex cun la concessiun d'ina lubientscha per predicaturas e predicaturs laics èn involvads tant la plaiv, la radunanzas regiunala sco er il Decanat. Cun la lescha e l'ordinaziun d'admissiun (CLE 910 e 912) han ins reglà da nov las premissas da la lavur da predicatura u predicatur. Il Decanat conceda ussa mintga mez onn la lubientscha da predicatura/predicatur, e supplitgescha da far atenziun als suandants puncts:

Suprastanza da plaiv ed uffizi da pravenda proponan ina persuna che collavura en ina plaiv grischuna (art. 32 lescha d'admissiun). Las premissas èn inditgadas en art. 9 da l'ordinaziun davart l'admissiun: 1. personalitad cumprovada cun experientscha da vita; 2. interess per la teologia e colligiazioni cun la tradiziun reformada da la Baselia chantunala; 3. voluntad d'annunziar il pled da Dieu, conform als principis da la Baselia evangelica reformada e tenor miglier savair e cunscienza; 4. prontadad da respectar cunscienziusamain la constituziun e l'urden legal da nosa Baselia; 5. servetsch divin d'emprova en la plaiv. Il Decanat supplitgescha las plaivs d'inditgar la proposta a scrit e da communitgar cura ch'il termin dal servetsch divin d'emprova è stà.

La **radunanza regiunala** pren encunter la proposta da la plaiv. Las candidatas ed ils candidats sa preschentan cun in curs da vita. Alura suanda ina votaziun secreta, vul dir a scrit davart la proposta. Il Decanat supplitgescha las Regiuns ecclesiasticas d'annexar al protocol il curs da vita u d'inditgar en quel ils puncts pli impurtants ed er il resultat da la votaziun.

La basa legala è resumada en in document ch'ins chatta en «Kirche Praktisch». Tar dumondas dat la cancelliera Ursina Hardegger gugent scleriment (adressa en l'annexa).

3.3. Renovar lubientschas da predicaturas e predicaturs laics

Avant ch'il Decanat po renovar la lubientscha per ina predicatura/in predicatur laic, sto el consultar la Regiun ecclesiastica cumpetenta (art. 34 alinea 2 lescha d'admissiun, CLE 910). El supplitgescha perquai las radunanzas regiunals d'exprimer ina recumandaziun per la suandanta predicatura laica ed ils suandants predicaturs laics cun ina concessiun che scada la proxima Sinoda:

RE Bernina-Maloja: Othmar Lässer, Samedan

RE Heinzenberg-Tumleatga: Katharina Heitz-Frei, Tusaun

RE Surselva: Peter Anderfuhren, Valendau

4. CONSULTAZIUN DA LA DIRECZIUN DAL CGE

4.1. Propostas per elecziun substitutiva CB (perioda d'uffizi 2021-2024)

CB Barbara Hirsbrunner (suprastanta dal departament 6 «missiun, ecumena, diaconia») è sortida dal Cussegl la fin dal 2023 pervi da la limitaziun dal temp d'uffizi. Per motivs da sanadad n'ha sia successura designada betg pudì surprender il post. Perquai sto il CGE far il zercladur ina elecziun substitutiva per il rest da la perioda d'uffizi 2021-2024. Ils 1 da fanadur 2024 u tenor convegnoentscha duai la nova commembra u il nov commember dal CB cumenzar ses uffizi. Las REs èn supplitgadas da dumandar persunas adattadas per l'elecziun en il gremi e d'inditgar lur propostas en il protocol. Tschertgadas è ina persuna che surpren il mandat per il temp restant da la perioda 2021-2024 e che sa metta a disposiziun per la nova perioda d'uffizi davent dals 1. da schaner 2025 (guarda er punct 4.2 da questa publicaziun).

4.2. Propostas per elecziuns da renovaziun totala dal CB (perioda d'uffizi 2025-2028)

Ils 1 da schaner 2025 cumenza ina proxima perioda d'uffizi per ils commembers dal CB. Il CGE vegn a far en sia sesida dal zercladur 2024 l'elecziun resp. reelecziun dals commembers betg-sinodals. Il presidi vegn alura definì en la sesida d'atun.

Er la Sinoda vegn a far il zercladur elecziuns e definir dus commembers sinodals per il CB. Il decan ser Thomas Müller-Weigl è commember ex-uffizi. Sia perioda d'uffizi cuntinuescha damai che las elecziuns dal Decanat èn spustadas per dus onns da las elecziuns dal CB. Ils CB ser Jens Köhre e ser Christoph Zingg sa mettan a disposiziun danovamain.

Enfin la fin da la redacziun da questa publicaziun è conuschenta la suandanta demissiun per motivs da la limitaziun dal temp d'uffizi:

- CB dr. Frank Schuler, Cuira, RE Sassal-Cuira, parsura departament 2 «structura e dumondas giuridicas»

Ils commembers d'enfin qua dal CB èn cunquai proponids per la reelecziun:

- Presidenta dal CB, Erika Cahenzli-Philipp, Untervaz, RE Herrschaft-V Dörfer, parsura departament 0 «presidenza» e departament 5 «servetschs pastorals specials e cussegliaziun»
- CB Hanspeter Wildi, Fanas, RE Prättigau, parsura departament 3 «finanzas ed infrastruttura»
- Commembra u commember nov, tenor punct 4.1 da la publicaziun

A la radunanza da primavaira dal CGE èn d'eleger quater commembers dal CB. Las REs èn supplitgadas d'inoltrar cun il protocol propostas per las elecziuns.

4.3. Propostas d'elecziun per ina cumissiun predeliberanta (lescha da las plaivs)

Las REs pon far propostas d'elecziun per la cumissiun predeliberanta da la lescha davart las plaivs. Damai ch'igl è in decret impurtant duai vegnir elegida ina cumissiun pli gronda che usità cun nov enfin 13 commembers. Tar l'occupaziun vegn resguardà l'egualità da gruppas professiunalas e regiuns. Perquai èn las Regiuns supplitgadas da proponer mintgamai pli che ina persuna.

Proponidas ed elegidas pon sulettamain commembras e commembers dal CGE. La direcziun supplitgescha las REs d'inditgar lur propostas d'elecziun en il protocol.

5. RAPPORTS DA LAS REGIUNS ECCLESIASTICAS (RE)

5.1. Preschentaziun da las provisuras e dals provisurs

Nus envidain las REs da profitar dal termin da lur radunanza per beneventar ed emprender a conuscher las novas plevonessas ed ils novs plevons. Ina preschentaziun a bucca latiers po s'adattar per dar envista en la lavur da la provisura resp. dal provisur.

5.2. Lavur da diaspora

Tenor art. 8 da la «Ordinaziun davart il commembradi ecclesiastic da concretaivels evangelics en vischnancas politicas senza plaiv evangelica (Ordinaziun da la diaspora)», CLE 230) han las plevonessas ed ils plevons da plaivs cun incumbensas da diaspora da rapportar a la radunanza da primavera davart lur activitad. Ina copia da mintga rapport è da trametter vinavant al CB per mauns da l'Uniun da sustegn protestanta-evangelica dal Grischun.

5.3. Organisaziun da l'instrucziun da religiun 2024/25

Las REs coordineschan l'instrucziun da religiun en las plaivs. Per che quellas possian far lur incumbensa, ston ins infurmar ellas ad uras davart eventualas difficultads che sa resultan en plaivs en connex cun observar las determinaziuns legalas.

Perquai supplitgescha il CB las Regiuns ecclesiasticas da dumandar en las radunanzas da primavera lur commembras sch'i sajan en vista il proxim onn da scola problems en connex cun l'instrucziun da religiun. Las plaivs che annunzian difficultads adeguatas, duajan ins renviar al post specialisà per la pedagogia da religiun da la Baselia chantunala (adressa guarda en l'annexa). Da l'autra vart vegnan ils protocols a render attent la manadra da quest post a las situaziuns, ella po uschia contactar las personas respunsablas da las plaivs. Uschia pon ins schliar ils problems ad uras en vista a l'onn da scola nov 2024/25. Il CB renda attent che tut las scolas ston respectar las derterminaziuns legalas pertutgant l'instrucziun da religiun.

Sche plaivs èn anc a la tschertga da persunal per l'instrucziun da religiun per il nov onn da scola, fa il CB allusiun a la bursa «Stellenbörse Religionsunterricht» sin la pagina d'internet da la Baselia chantunala (adressa guarda en l'annexa).

5.4. Propostas, impuls e dumondas

Tenor art. 27 cf. 11 da la constituziun pon las RE trametter vinavant al CB lur propostas, impuls e dumondas. Quai po succeder sulettamain da la radunanza regionala e betg da singuls delegads. Il resultat exact da la votaziun è d'inditgar en il protocol.

Sch'il CB accepta *propostas* preschenta el quellas per consultaziun a las REs ed a la Sinoda. Alura suanda la discussiun definitiva en il CGE. Propostas che vegnan approbadas chaschunan ina midada da lescha. Sch'il CB n'accepta betg ina proposta, motivescha el quai en ses rapport d'uffizi.

Sch'il CB tracta *impuls* e *dumondas*, po el prender en quest senn masiras e realisar sez la chausa. Sch'el refusa impuls e dumondas, motivescha el quai en ses rapport d'uffizi.

6. DIVERSAS INFORMAZIUNS

6.1. Occurrenzaz regionalas 2023

RE Am Rhein

Nagins avis

RE Bernina-Maloja

Nagins avis

RE Tavau

- Conferenzas pastorallas mensilas, tranter auter cun tematicas: coordinaziun da las publicaziuns, film da image, cumpetenzas per instituziuns, flyer regional da seniors, curs per confirmandas e confirmands davart roms d'elecziun, concept emna da vacanzas da las plaivs, reglament davart las casualias.
- 10.-13.10.22: camp d'atun d'uffants: «Ritter Rost»
- 06.11.22: dumengia da la Reformaziun, cun chor Rainbow e past da suppa
- 01.01.23: concert da Bumaun baselgia St. Johann
- 26.01.23: suentermezdi regional
- 26.02.23: servetsch divin cun installaziun plevonessa Janine Schweizer
- 27.02-01.03.23: project d'uffants: teater da sumbrivas: «Mama - chill mal»
- 03.09-09.04.23: «Kreuz&Quer» - devoziuns, concerts e servetschs divins per l'emna sontga
- 18.05.23: excursiun d'Ascensiun a Guarda/Lavin
- 27.04-01.05.23: emna da vacanzas da la plaiv 60+ a Bad Wörishofen
- 04.08.23: stan «Davos reformiert» sin la Promenada
- 07.-11.08.23: camp dals confirmands al Lai dals Quatter Chantuns
- 23.08.23: participaziun a la festa da la piazza da gieus

RE Ela

- 20.08.2023: servetsch divin ecumen a Mistail

RE Engiadina Bassa-Val Müstair

- 4 conferenzas pastorallas
- Di da confirmands (05.11.22)
- Not lunga da las baselgias (02.06.2022)
- Sezzüdas dals presidis
- Viadi: Genevra (27.-30.04.23)

RE Heinzenberg-Tumleastga

- 28. Mai 2023: Festa regionala da Tschuncaisma a Rodels
- 2. Juni 2023: Notg lunga da las baselgias

RE Herrschaft-V Dörfer

Nagins avis

RE Prättigau

- Advent 22: oratori da Nadal da Peter Roth, «Prättigauer Festtagschor»
- Atun 22 e primavaira 23: Solver dals plevons dal Partenz
- Conferenza pastorala l'atun 22: Co tgirain e promovain nus la collavuraziun?
- Conferenza pastorala la primavaira 23: Visita da la biblioteca da VDM Jochanan Hesse
- Conferenza pastorala l'atun 23: emprender a conuscher 4 novs collegas plevons; infurmaziuns e barat davart tradiziuns regionalas e collavuraziun

RE Sassal-Cuira

- Project da Tschuncaisma «God helps Uganda»

- Notg lunga da las baselgias «Ad Fontes»
- Barat annual da chanzlas tranter Maladers, Steinbach e Cuira
- Classas cuminaivlas da confirmandas e preparands

RE Schons-Avras-Valrain-Moesa

- 5 scuntradas pastorales
- 22 da favrer 23: Sesida cun tematica instrucziun da confirmands, cun plevonessas e plevons sco er represchentantas e represchentants da las plaivs dal nord (senza Mesolcina)
- 14 da matg 23: di popular da la RE a Spleja, cult divin en la baselgia
- 31 da matg 23: scuntrada da las plevonessas e plevons (part dal nord) cun sepulider Werner Wilhelm ed Ingrid Köll

RE Schanfigg-Cuirawalden

- Conferenzas pastorales mensilas, tranter auter cun sesidas d'intervisaziun
- 11.06.23: dumengia regiunala a Castiel
- 08.08.23: teater da Johannes Comander a Cuira

RE Surselva

Nagins avis

6.2. Comunicaziun da mutaziuns

Nus supplitgain las plaivs da communitgar uschè svelt sco pussaivel al secretariat da la Baselgia chantunala midadas da persunal, da lur suprastanzas, dals delegads da la RE sco er da collavuraturas e collavuratur. Il secretariat maina glistas per invits a sesidas da las RE, per radunanzas dals organs da la Baselgia chantunala e per distribuziuns d'infurmaziuns impurtantas che van a las persunas pertutgadas e commembers da las autoritads ecclesiasticas da las plaivs. Actualisaziuns simplifitgeschan la lavur, tant da las plaivs sco da noss secretariat.

6.3. Giubileums

Las suprastanzas regionalas resp. colloquialas e da las plaivs pon annunziar al Cussegl da baselgia giubileums da lavur (20, 25 u 30 onns da servetsch) d'emploid(a)s ecclesiastic(a)s e collavuratur(a)s voluntari(a)s. Tgi che lavura pli ditg che 20 onns per ina plaiv e che finescha l'activitad per quella, pon ins medemamain annunziar. Vus pudais aschuntar las annunzias al protocol colloquial u trametter quellas a scrit sco comunicaziun separada a l'actuar dal Cussegl da baselgia, Peter Wydler (adressa guarda annexa). Igl è indispensabel d'inditgar il num cumplet e l'adressa da la/dal giubilar(a) sco er sia funcziun e la durada exacta da l'engaschament.

Las giubilaras ed ils giubilaras survegnan, dasper la renconuschientscha atras la plaiv u la Regiun ecclesiastica, er in document uffizial sco er in regal dal Cussegl da baselgia

6.4. Proceder tar midadas en ils uffizis da pravenda

En la pagina d'internet da la Baselgia chantunala (www.gr-ref.ch/downloads) chattan ins in fegl d'infurmaziun co ch'igl è da proceder per occupar da nov il post da plevon u plevonessa (-> «Besetzung Pfarrstelle, Merkblatt»). En la pagina d'internet chattan ins era ina glista da persunas per substituziuns e remplazzaments.

A chaschun da mintga midada da l'uffizi da pravenda è necessaria ina inspecziun extraordinaria da la partiziun uffiziala da l'archiv da la plaiv. In commember da la cumissiun d'archiv da la Baselgia chantunala fa questa lavur. En questa chausa supplitgescha il Cussegl da baselgia las suprastanzas da las Regiuns ecclesiasticas da far atenziun ch'ins s'annunzia avant la partenza d'ina plevonessa u d'in plevon tar il president da la cumissiun d'archiv, ser Peter Wydler (adressa en l'annexa). Tenor il regulativ 821 surpren la plaiv ils custs da l'inspecziun.

6.5. Chalender da collectas 2024

En sia sesida dals 15 da november 2023 ha il CGE fixà las collectas chantunalas da l'onn 2024. Il chalender sco er las infurmaziuns detagliadas latiers chattan ins sut «Kirche Praktisch» en la pagina d'internet da la Baselia chantunala (adressa guarda en l'annexa).

6.6. Sesidas dal Cussegl grond evangelic 2024

Mesemna, 05.06.2024 (entir di), sala dal cussegl grond

Mesemna, 20.11.2024 (entir di), sala dal cussegl grond

6.7. Sesidas dal CB 2024

Il CB s'inscuntra ina giada il mais. Giavischs e propostas a quel lduajan ins inoltrar a l'administraziun almain trais emnas avant il termin da la sesida.

Termins da las sesidas 2024: 18 da schaner, 22 da favrer, 14 da mars, 11 d'avrigl, 16 da matg, 13 da zercladur, 4 da fanadur, 15 d'avust, 19 da settember, 31 d'october, 21 da november, 12 da december

6.8. Radunanzas da la Sinoda

29 e 30 da schaner 2024, Sinoda extraordinaria e dieta sinodala a Cuira

27 da zercladur - 1 da fanadur 2024, Sinoda ordinaria en l'Engiadin'Ota

3 e 4 da favrer 2025, dieta sinodala a Cuira

6.9. Termins da las radunanzas regiunalas da primavaira 2024

RE Am Rhein	9 da mars
RE Bernina-Maloja	18 da mars
RE Davos	20 da mars
RE Ela	12 da mars
RE Engiadina Bassa-Val Müstair	3 d'avrigl ed evtl. 10 d'avrigl
RE Heinzenberg-Tumleatga	6 da mars
RE Herrschaft-V Dörfer	18 da mars
RE Prättigau	9 da mars und 3 d'avrigl
RE Sassal-Cuira	12 da mars

RE Schons-Avras-Valrain-Moesa

23 da favrer
e 13 da mars

RE Schanfigg-Cuirawalden

28 da favrer

RE Surselva

13 da mars

La conferenza da las presidentas e dals presidents regionalas è mesemna, ils 21 da favrer, a las 14.00-16.00, a Cuira.

6.10. Termins da las radunanzas regionalas d'atun 2024

Nus supplitgain las actuaras ed ils actuars d'inditgar en il protocol il termin da la radunanza regionala d'atun.

6.11. Inoltrar ils protocols da las radunanzas regionalas


A chaschun da sia radunanza dal matg 2024 vegn il CB ad evaluar ils protocol da las radunanzas regionalas; la documentaziun latiers vegn tramessa vers la fin d'avrigl.

Per ch'ins possa far l'evaluaziun ad uras essan nus engraziaivels sche Vus tramettai il protocol en furma electronica (sco datoteca Word, betg scanà) uschè svelt sco pussaivel a l'actuara-substituta, Ursina Hardegger (guarda l'adressa en l'annexa). Ils protocols suttascrits, en furma da palpieri inclus las annexas, vegnan archivads. Per plaschair tramettai quels enfin ils **15 d'avrigl** a l'actuara-substituta dal CB.

Prevista: Il termin d'inoltrar ils protocols da las radunanzas regionalas d'atun è ils **20. September**.

Chur, il december 2023

Cussegl da baselgia evangelic



Erika Cahenzli-Philipp
presidenta



Peter Wydler
actuar

7. ANNEXAS (ADRESSAS)

Actuar dal CB

Ser Peter Wydler
Loëstrasse 60, 7000 Cuir
081 257 11 03
kirchenratsaktuar@gr-ref.ch

Actuara substituta, cancelliera (decanat)

Plevonessa Ursina Hardegger
Loëstrasse 60, 7000 Cuir
081 257 11 02
ursina.hardegger@gr-ref.ch

Administratur da finanzas

Marcel Schädler
Loëstrasse 60, 7000 Cuir
081 257 11 04
marcel.schaedler@gr-ref.ch

Manader da team «veta ecclesiastica»

Johannes Kuoni
Loëstrasse 60, 7000 Cuir
081 257 11 85
johannes.kuoni@gr-ref.ch

Manader da team «veta ecclesiastica»

Johannes Kuoni
Loëstrasse 60, 7000 Cuir
081 257 11 85
johannes.kuoni@gr-ref.ch

Medioteca da la Baselgia

www.mediogr.ch

Pagina d'internet da la Baselgia chantunala

www.gr-ref.ch

Infurmaziuns e servetschs guarda «Downloads» e «Kirche Praktisch» (sut «Service») www.gr-ref.ch